

• **BREURIEZ**
AN
ADORATION A REPARASION

Ar Vreuriez man a zo bet savet evit lacat an eneoù cristen a bep bro d'en em unani gant ar pedennou a ve great e Rom, abaoe ar bloas 1592, en hano hag evit an oll boblou catolik.

Er bloaveziou 1882 ha 1883, ar Vreuriez he deus bet digant hon Tad-Santel ar Pab meur a avantach, eman dreist oll : en eur bisita eun ilis, n'eus fors pehini, gant ma ve enhi ar zakramant meulet ra vezo, e teu ar c'hen-veudeur da c'hounid an oll induljansou a elleur da c'hounid ho visita an ilisou eus a Rom a vez ar zakramant exposet enno bemdez abaoe tri c'hant vloas, pe abaoe amzer ar Pab Clement VIII.

Taolomp evez ouz kement-man : bemdez e c'heller gounid er Vreuriez eun induljans plenier ; gounid a eller c'hoas eun induljans a zec vloas hag a zec guech daou-ugent

devez meur a vech en deiz, da lavaret eo, ken alies guech mar greer bizit d'eun ilis e pehini e man ar zakramant. A ne deus ket aze peadra da gourachi an dud fidel d'en em lacat er Vreuriez ?

Evelse ive ar Vreuriez a zo en em skignet buan dre ar bed catolik. Savet e zeo breman e 360 eskopti ; ar veleien hanvet gant an Aotrou n'Escop e pep eskopti evit beza e penn ar Vreuriez a labour d'he skigna dre ar parresiou hag ar c'houenchou ; hag hon Tad-Santel ar Pab en eul lizer skrivet d'ar pevare devez a viz here 1887, a lavar hen deus c'hoant ma ve anavezet ha savet Breuriez an adorasion a reparasion betek er c'horn pella eus ar bed.

Petra zo red da ober evit gounid induljanson ar Vreuriez ? Da genta, lacat an hano er Vreuriez ; d'an eil, ober an œuvr a raparasion merket aman varlerc'h :

1° An hanoiou a ve kemeret ha cahieret gant unan bennac en deus recevet galloud vit an dra se ; pe elleur ive cass an hano var eeun d'ar belec a zo e penn ar Vreuriez vit ar bed oll, an aotrou Brugidou, pehini zo o chom e Rom, *place du Pin*, 24.

2° An œuvr a reparasion da ober eo tre-

men eun hanter heur amzer dirac ar zakramant; an hanter heur se a adorasion ve mad hen ober d'an devez merket aman varlerc'h evit pep bro. Gouscoude n'eus ket a obligation stris da choas an dervez-se.

Cetu aman an derveziou a adorasion evit pep bro :

D'ar zul : Bro-Zaos, Irlande, ar Pologne, an Norvège ;

D'al lun : Autriche, Allemagne, Grèce ;

D'ar meurs : an Itali ;

D'ar merc'her : Portugal, Amerik tu an Hanter-Noz ;

D'ar iaou : ar Frans, Amerik tu ar C'hreiz-de ;

D'ar guener : broiou ar missionou ;

D'ar zadorn : Spagn, Belgique, Suisse, Hollande.

Sonjomp a ro ar Vreuriez eun niver bras a indulsansou da c'hounid d'ar c'henvreudeur, hag ouspen, ar pezh a zo da ober a zo ken eas, ma c'hell kement den a zo, kement kristen boazet da assista en ofern da zul, caout pers er Vreuriez eb ober, couls lavaret, muioc'h vit ne zeo custum da ober.

Ar c'henvreudeur a zo pedet da rei en dro dezho anaoudêgez eus ar Vreuriez hag ive

da zicour ar belec a zo e penn ar Vreuriez e Rom d'hen rei da anaout dre ar bed oll. Petra c'houlenneur digant pep hini evit an dra-se ? Daou vennek ar bloas, pe, evit ober guelloc'h, eun eiz real pe eur scoët bennac roët eur vech ebken. Gant ar zikour-se, ar belec a zo e penn ar Vreuriez a ell lacat moulla e pep langach ar pennad scrid man, hag e gass e pep korn eus ar bed.

Evit distrei divar ar boblou coler an Aotrou Doue, n'e deo ket avoalc'h kinnig da Zoue reparasion en eun nebeut ilisou ebken, red eo mar teufet da ober an dra se, kement a possubl, e ken alies parres a zo e kear ha var ar meas. Neuze e velimp ho tigoueout c'hoas ar pezh a zo c'hoarvezet ato a hed an amzeriou : Doue o sellet a druez ous ar vro coupabl a behini ar bobl a bez a voar daoulina ha goulenn pardoun.

En eur ger, al labour e deus ar Vreuriez da gass da vad eo dougen ar gristenien da adori Doue muioc'h mui er zakramant ha da rapari an dismegans great d'he vajeste. Cetu aze ive ar pezh a c'houlenn digant ar c'henvreudeur e meur a lizer hon Tad-Santel ar Pab Leon XIII.